



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 14 Zakona o javnim preduzećima u Brčko distriktu Bosne i Hercegovine – prečišćeni tekst (Službeni glasnik Brčko distrikta BiH, broj 22/18), člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18) i Poslovnog plana JP „Putevi Brčko“ Brčko distrikt BiH za 2019. godinu broj: 01-UO-02/19 od 4. 1. 2019. godine, Skupština Brčko distrikta BiH, na 39. redovnoj sjednici održanoj 16. januara 2019. godine, donosi

ODLUKU O DAVANJU SAGLASNOSTI

Član 1

Daje se saglasnost na Poslovni plan JP „Putevi Brčko“ Brčko distrikt BiH za 2019. godinu broj: 01-UO-02/19 od 4. 1. 2019. godine, uz sljedeće obaveze:

- da JP „Putevi Brčko“ Brčko distrikt BiH završi projekat obilaznice u skladu s glavnim projektom, što podrazumijeva da ne vrše nikakve dodatne građevinske radove na samoj trasi obilaznice osim radova koji imaju za cilj poboljšanje bezbjednosti učesnika u saobraćaju,
- da JP „Putevi Brčko“ Brčko distrikt BiH investicije za kapitalne projekte uskladi s Odjeljenjem za javne poslove,
- da se izvrši racionalizacija predloženih rashoda uz istovremeno smanjenje prihoda u iznosu od 2.000.000,00 KM te se na taj način ispunjavanjem ove obaveze umanjuje iznos sredstava koji je potrebno obezbijediti Zaključkom Skupštine broj: 01-02-435/18 od 25. 7. 2018. godine, tako da preostali dio obaveze koji je potrebno obezbijediti u Budžetu Brčko distrikta BiH za 2019. godinu po Zaključku iznosi 1. 000.000,00 KM. Sredstva obezbijedena kroz racionalizaciju u iznosu od 2. 000.000,00 KM JP „Putevi Brčko“ će utrošiti kao vlastita sredstva u nedostajući iznos za završetak projekta Obilaznice.

Član 2

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-515/19

Brčko, 16. 1. 2019. godine

**PREDSJEDNIK
SKUPŠTINE BRČKO DISTRIKTA BiH
Esed Kadrić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Odjeljenje za javne poslove
- 5) JP „Putevi Brčko“ Brčko distrikt BiH
- 6) Sektor za opšte poslove i strateško planiranje
- 7) Arhivi